



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 9. Eadem Urbs a fœderato exercitu expugnata.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII restiterunt, nec tamen prohibere poterant, quo minus duo ferme Turcarum millia in urbem penetrarent, ceteros vero Caprara partim trucidavit, partim ad suos recurrere compulit.

## §. IX.

*Buda a Cæsareo - Bavaris expugnata.*

*Wagner l. c.* Continuatis expugnandæ Budæ curis, atque ampliato ruinæ hiatu Bavaricæ Elector in grandem turrinam afflicta ardebat, ut ea expugnata omnem horretorum murum ad Danubium porrectum sibi vendicaret: quocirca die vigesima prima Augusti aliquot cohortibus accitus, in hostilia munimenta impetum fecit, effusoque utrinque multo sanguine superiorem turris partem expugnavit; ultra tamen progredi haud licuit; Turcæ enim pilis ignivomis, densoque lapidum grandine tantam intulere stragem, ut Bavari, præter quadringentos gregarios trucidato Rumelio Bavarici exercitus structore stationem, qua potiti fuerant, deserere cogerentur. Postera die ter mille Janisfari aditum in urbem tentarunt, tormentisque abacti ad inferius oppidum confluxere, ubi everfis Cæsareorum stationibus in Danubium sese coniecerunt, eo circuitu intra muros penetratu-



Sæc. XVII.  
A. C. 1686.

traturi, quorum tamen non paucis ab Altio Belliduce interfectis, ceteri desperato successu ad suorum equitum subsidia sese receperunt, alibi ingressum tentaturi: His sese opponit Mercius, desperatione tamen animos acuate Janissari supremo virium connisu certamen peracre edunt, ac eorum quidam in medios Cæsareos infano impetu in- vectus, Mercyum Belliducem longe ce- leberrimum impacto in cranium gladio sternit; accurrit cum recenti milite Pal- sius, qui hostem undique cinxit, cæ- sisque Janissaris bis mille ducentis, ce- terisque captis signa quinquaginta re- portavit. Interim Cæsaris exercitus valido Scharfenbergii agmine augeba- tur; quocirca habito belli Senatu ad diem primam Septembris universa ur- bis oppugnatio decreta est, paratisque ad aggressionem omnibus per integram diem Bavarus Elector urbem acriter verberavit: quarta autem a meridie hora in utrumque ruinarum latus tanto ardore incursum, ut Cæsarei per socio- rum cadavera, & densissimas telorum glandiumque nubes latius penetrarent: Obstat cum præsidiariis Gubernator, primosque nostrorum ordines destinatis jactibus sternit: Tum vero ipsa mutua cæde animorum indignationem inflam- mante, utrinque certaminum exarsere

Dd 5

stu-



Sæc. XVII. studia: Interim Oettingius Comes gra-  
 A. C. 1686. dinantes inter sclopos & tubos inter-  
 que volitantes grandioris plumbi glo-  
 bos ad viciniore muris domos per-  
 pit; dubio admodum successu; nam  
 quicumque arma ferre poterant, vel  
 ad summam necessitatem confluerent  
 imo ipsi etiam, qui Spinolæ copia  
 hucusque conclusas habebant, illuc  
 currerunt; tandem extremo huic conatu  
 sperata adfuit prosperitas: mox enim  
 Spinola sese cum Oettingio conjungens  
 densatisque ordinibus progressus, in-  
 gentem stragem edidit; postea tanta  
 vim non ferentibus Turcis, palamque  
 retrocedentibus, Cæsarei perruptis va-  
 lis, superatisque receptibus præcipua  
 urbis plateam occuparunt, ac sese per  
 ceteras partes diffuderunt: Tum vero  
 jam non pugna, sed cædes erat; dele-  
 tis enim potissimam partem præsidia-  
 riis, ceteri in obvias aedes, in inferius  
 oppidum, inque arcis aream, prout  
 unicuique metus ac fors suaferat, con-  
 fugiunt, pauci victorum gladios eva-  
 dunt, cives, fœminæ, ac infantes  
 armati & inermes promiscuo interitu  
 cadunt, diffluunt sanguine barbaro  
 plateæ, & quamvis Lotharingius  
 cæde & direptione militem cohibere  
 satageret, nullum tamen imperium  
 medio victoriæ, vindictæ, iræ, præ-  
 lique



liique æstu de sævitia ad Christianæ le- Sæc. XVII.  
 nitatis leges victorem militem revocare A. C. 1686.  
 poterat, præcipue ubi compertum, quod victore obvios quosque per captam  
 urbem sternente, quidam interim Janif-  
 fari, ne victi quidem palmam con-  
 cedere, sed potius mori, quam se de-  
 dere parati, sese in platea, ab Judæis  
 dicta collegerint, ipsoque Governatore  
 animos addente pugnam restaurarint,  
 qui tamen telis hastisque confixi in ar-  
 cem profugere coacti sunt, ipsomet  
 urbis Governatore multis vulneribus  
 confecto. Dissipato hoc globo ad inte-  
 riora urbis victores penetrarunt, pu-  
 gnandum tamen adhuc erat cum Tur-  
 cis, qui ex arce erumpentes, ex colo-  
 nis ad prædam in urbem effusis quos-  
 dam trucidarunt, fugatisque ceteris  
 ipsos militum ordines aggressi sunt;  
 paulopost tamen repulsi, a Croyo ad  
 arcis deditionem compellebantur, ab-  
 jectis armis vitam ab iratis victoribus  
 deprecati. Ita demum post bimestrem  
 oppugnationem hæc Urbs, quæ per an-  
 nos omnino ducentos & quadraginta  
 quinque sub Turcarum jugo ingemuit,  
 die secunda Septembris Cæsaris impe-  
 rio reddita est, Deo quoque Victori-  
 arum Auctori in Ecclesia principe solem-  
 nes actæ sunt gratiæ, humata cada-  
 vera, restinctæ flammæ, & repur-  
 gata compita.

§. X.